

寧波府志（雍正） 二

寧波府志卷之十

寧波府知府富平曹秉仁纂修

壇廟

禮有壇有廟壇以埽地而祭廟以設屋而祭壇而不
屋升臭以達諸陽也屋而不壇灌鬯以達諸陰也古
者郊祭天社祭地後世郡邑之壇廟蓋仿諸此我
皇上制作邁越往古而於禋祀尤加敬慎凡以名山大川
岳瀆之神以及禦灾捍患者罔弗崇祀祭告蓋煌煌
乎鉅典也寧郡所祀烏敢忽諸志壇廟

府 鄞縣

社稷壇

宋置子城一里今稱社壇橋是也元改建城西隅大卿橋南明洪武初拓其故址築壇五丈高

三尺四出陞各三級繚以周垣設四門樹石北向社右稷左後用木主題曰府社府稷之神而鄞則統祭於府正統三年知府鄭珞新其門垣建齋宿房神厨庫房牢牲房久圯成化二年知府方達重修尋廢嘉靖三十年知府孫宏軾重修三十五年知府張正和鼎新之郡人范欽爲之記今門垣房庫俱廢惟壇存歲以春秋仲月上戊日致祭凡祭用羊二豕二帛二爵三登一銅二邊四豆四簋二盞二樂用鼓吹國朝雍正五年部頒定式每案用羊一豕一帛一劍一邊四棗栗鹽藁魚豆四韭菹醯醢菁薤鹿脯簋二黍稷簋二稻粱

風雲雷雨山川壇

元置城東南東隅明洪武初改建府城南雨水橋東築壇二丈五尺高二

尺五寸坐子向午四出階午階五級子卯酉階皆三級門垣如社稷制中列風雲雷雨之神左山川右城隍正統間知府鄭珞重修嘉靖三十五年知府張正和鼎新之今惟壇存歲以春秋仲月上戊日致祭祭品同社稷壇

先農壇

城東十九都國朝雍正四年奉

旨建置築壇高二尺一寸寬二丈五尺正殿五間中奉先

農神位東間存貯祭器西間存貯耜田米穀配房二間大門一間耜田四畝九分每歲仲春部頒致祭日朔祭品照社稷壇例各官俱穿朝服行禮祭畢易蟒服詣耕藉所行九推禮

郡厲壇

府城北門外一里明洪武三年建壇高二尺五寸濶二丈南向垣門庖湍略備壇之東南立石

刻御制祭文歲以清明中元十月朔致祭步勘道迎城隍神位於壇榜無祀鬼神而祭之祭用三三豕三

飯米三石香

燭酒紙隨用

城隍廟

府東南二里握蘭坊元帝師殿址舊在子城西

靈祐明洪武四年知府張琪徙建今地正統三年知府鄭珞重修十年知府陸奇裝塑神像國朝雍正四年十月重修歲以春秋仲月上戊日合祭於山川壇

關帝廟

即湖西陸殿國朝雍正五年奉

旨致祭前殿奉關帝神像後殿奉

勅封三代裕昌公光昭公成忠公神位每年春秋用牛一

羊一豕一遵十豆十帛一後殿每案用羊一豕一遵

八豆八帛一惟五月十三日前殿用牛一羊一豕一

帛一果品五盤後殿不用牛餘同前殿儀

注前殿照文廟例後殿照崇聖祠例

本府土地祠

在府治內東南

府學土地祠

在學宮內西南

本縣土地祠

在縣治內東南

旗纛廟

在寧波衛治內東北今廢

已上通祀

銅盆浦龍神祠

縣東南二十里銅盆浦南龍宅浦中禱雨輒應明正統間里人陳處廷捨址建

祠五世孫侃使琉球涉險感神效靈捐資重修明時歲以六月十七日致祭今仍之

淵靈廟

卽水仙廟在縣東五十里阿育王山廣利寺環廟有聖井七自東晉時已著靈異中井有二鰻

其一金線自頂達尾其一每現光耀折花引之則離

紅蟹或二蝦前導而出錢武肅王以歲旱命迎置

塘之南塔寺山間鑿石爲井立亭其上以倣古蹟而

阿育山中二鰻游泳自若邦人禱雨必卽之宋元祐

元年賜今額乾道二年守趙伯圭禱輒應知勤縣事

李柄記於石明時歲以六月十八日致祭今仍之其

壇廟

分祀於郡城內者一在月湖之西南一在袁繡橋北

顯濟廟

縣西南六十里卽天井山龍神有五潭禱之得金線蜥蜴雨卽至宋嘉定四年賜今額明時致

祭今仍之

董孝子廟

府治西南六十步祀東漢孝子董黯事詳孝友傳中唐大曆十二年立歲以六月六日致

祭別廟二一在縣南郊外董母墓所一在縣東靈橋門外四里補陀寺西

遺德廟

縣西南五十里俗稱宅山廟唐太和中鄭令王元暉築堰捍江引山水入小江湖灌溉甚溥民

德而祀之宋咸平四年重修乾道四年賜今額寶慶三年勅封善政侯明時歲以十月初十日致祭別廟一在宅山之北洞橋之南宋建炎兵燹歸然獨有嘉熙年間屢旱禱之輒應狀聞於朝賜以額曰天興

正學祠

縣西南二里許鎮明嶺明嘉靖辛亥提學副使薛應旂知府孫宏軾建祀楊簡袁熒沈煥舒璘

四先生額曰象山正脈應旂爲之記
歲以春秋仲月州羊豕酒果致祭

張文定公祠

縣西望京門內明嘉靖二十五年巡按裴紳建祀兵部尚書張邦奇歲以春秋仲月

用羊豕酒果致

祭事詳本傳

協忠廟

府治西南一里迎鳳橋之西祀唐張巡許遠南霽雲姚閭雷萬春賈賁六公舊稱奉國樓神祀

奉國樓者節度使之節樓也宋係奉國軍節度因以名樓高宗登金兵幸此樓忽見張許南霽雷五公旗幟於雲表雲蜘蛛網於樓門金兵以爲無人而退高宗遂封爲三將軍肖像於樓以祀之明萬曆二年燬於火郡守蔡貴易重建譙樓樓成而祠廢里人李啓南具呈郡守張文奇郡丞龍德孚鄧令周之基因以賊民沒屋改建於此又遵勅諭睢陽之祠賁賁賁賁曰協忠歲以九月二十日致祭

旌忠祠

祀明殉難御史陳良謨順治間

卷之二

一

四

勅建賜額并贍地

七十畝祀

里社壇

卽今土穀神祠坊隅鄉都隨地建設皆如里之數明初定制命里中耆老歲以春秋仲月用羊

豕酒果祭之諸

邑同今悉廢

鄉厲壇

郭坊隅共五十六所鄉都共三百九十二所明初定制命里中耆老歲以春秋仲月用羊豕

酒果祭之諸

邑同今悉廢

漏澤園

萬曆間推官何士晉查新舊義塚在東區者計八十四處立碑補陀寺前開載都畝土名四五

在西區者碑石雖存字漶滅不可辨

南郭柳亭巷

後洪武間置明嘉靖九年知縣黃仁山改於南城外

之左又新置義阡於桃花渡江北二里及北門外一

里俱有立石東區義塚甬東隅三畝地一畝二分上

名養濟院邊

一都二畝地八分土名顧堰二都

八畝地八分土名官地

三都一畝地一分八釐三

毫土名石壁下 二畝地二分九釐土名廟頭山

三畝地一分五釐土名姚村墓 四畝地一分三釐

土名莊家潭 五畝地三分一釐土名化人壇 六

畝地三分一釐五毫土名道士墓 四都通都義塚

地一畝土名石江塘 五都一畝地一分四釐四毫

土名官地 二畝地一分三釐土名官地 六都一

畝地一分土名包家莊 二畝地一畝土名大畝

二畝地一畝三釐一毫土名包家山下 四畝地六

分四毫土名荒圪 三畝地一畝土名鐵佛菴 七

都一畝地一畝土名後路菴 二畝地一畝一釐土

名孤壇 八都一畝地一畝一分四釐六毫土名壇

樹 二畝地五分土名水潭頭 三畝地五分土名

盧家舉 四都地七分土名濶地 九都一畝地一

畝三分四釐六毫土名孤壇 二畝地二畝五釐

毫土名寺前壇 三畝地九分土名旋綱山脚

都一畝地五分八釐七毫土名河塗 二畝地二分

土名廟灣 三畝地一分五釐土名舉地 四畝地

七分四釐七毫土名官墩 十一都一畝地七分土

名東山頭 二畝地三分二釐土名鬼洞坑 三畝地五分三釐一毫土名鬼洞口 十二都一畝地一畝二分四毫土名蒿猪山 二畝地四分三毫土名鬼墾頭 十三都一畝地七分八釐土名蒲棚山 二三畝合置地八分七釐土名蔣家地 四畝地四分八毫土名中央塘 五畝地三分土名張齊塘 十四都一畝地三分土名後溪 二畝地五分土名後溪地 三畝地三分土名大橋邊 四畝地八分土名排地 十五都一畝地六分土名陸家坑 二畝地三分四釐土名金婆地 三畝地一分五釐土名杜舉 四畝地三分七釐土名案山嶺地 十六都一畝地四分四釐土名戴婆橋 二畝地一分二釐六毫土名三角坵 三畝地一畝土名竹岩山地 四畝地八分土名王家巖 五畝地一畝土名新廟邊 六畝地二分五釐土名戴婆漕 十七都一畝地一分五釐三毫土名留湖漕 二畝地一分九釐土名徐公橋 三畝地一分七釐五毫土名王相公地 四畝地一分二釐九毫土名高地 五六畝

地三分一釐七毫土名大慈悲 十八都一畝地三分九釐土名化壇 二三畝地四分五釐土名官墩

四畝地三分土名壇

十九都通都義塚地一畝

五分五釐土名孤兒壇

二十都一畝地四分二釐

土名高地

二畝地

一分五釐土名高墩

三畝地

一分五釐土名江灘

四畝地五分土名潘家堰

二十一都

一畝地

三分五釐四毫土名官墩

二畝

地五分土名馬墓

三畝地三分五釐四毫土名鮑

家園

四畝地

一分四釐土名盤

五畝地二分五

釐土名塔塹

六畝地三分一釐五毫土名養魚池

二十二都

一畝地

二分五釐土名許家墓

二畝

地九分土名古壇

三畝地三分五釐土名花稍壇

四畝地

三分土名應家墓

二十三都一畝地五分

土名新橋地

二畝地五分土名西洋畝

三畝地

六分土名周

地

二十四都一畝地一畝二分土

名侯家埠

二畝地

一分三釐六毫土名樹塹頭

三畝地二分土名竹木嶺

四畝地三分土名神家

衙

五畝地三分六釐六毫土名高塹頭

收埋枯骨義山

在西山潘舉 國朝雍正八年士民章炳等捐資購買寧紹台道孫詒捐俸置

田十畝各官捐俸有差炳等又各捐田畝為每歲收埋之費事詳碑記中○附載義山公捐贍田姓名數

目 章炳五畝 徐延勲五畝 張思永五畝 張

宗瀚五畝 陳兆申五畝 陳有仁一畝 范從誠

一畝 周天爵三畝 王恩榮三畝 信廷英三畝

呂懋乾三畝 郭景林三畝 范筠二畝 李士

美三畝 佑聖觀道士吳乾陽將胡謝氏贍觀香燈

田二十畝永贍義山 又戴天恩十畝 王夢虺三

畝零 歐陽宗三畝零 包幹鄭五畝

零 毛世綬三畝 又章炳二畝

靈應廟

縣南二里許畫錦橋北舊名永泰王廟祀晉鮑蓋本傳在仙釋中梁大統間會稽沙賊錢益聚

衆三千人大掠浙東西刺史定襄侯蕭祇領兵討之

神憑巫語曰鄉土被害願助戡定祇卽日迎王像於

郡城門樓恭禮之三日巫復語曰當以八月十三日

破賊至是日祇與賊遇於餘姚賊失潮舟次上虞膠

於江塗不能進賊潰悉擒之事聞封永泰侯祠宇益
宏唐神功元年八月八日王託鄉童歌於縣之東門
曰吾姓鮑氏廟食於此自晉迄今四十餘紀馬行水
林廟必遷徙家在鹿山不堪居止鄞水西流北接甬
水給事祖宅實吾之廬汝爲我請早爲改圖待免化
龍遇齊得王移汝東封日月交光萬載無窮我歌章
章縣令柳惠古以聞請以甬水村楊給事舊宅更置
王祠鸞臺侍郎攝春官尚書狄仁杰繳奏可之聖曆
中始立今廟後徙置城邑果如王言會昌中郡蝗爲
災致禱祠下蝗卽弭歲大熟吳越王錢氏崇奉彌謹
宋崇寧中歲大飢神陰遣其部曰四聖者如廣州招
米商循海艦而來郡人得以全活方至定海四聖謂
廣客曰我鮑姓郡治直前有廟乃吾居也忽不見客
如其言謁廟下見四人者儀度儼然客驚異乃鑄四
鐵人置殿下表之而去尚書豐稷奏廟名犯哲宗陵
名改額曰靈應政和八年郡大旱直龍圖閣樓異守
郡禱之雨輒應詔加封惠濟宣和三年六月睦州刻
魔巢祠盜發至郡相去纔二十里太守李友聞告急

祠下王夢許禦之賊果不能侵奏加封威烈宣和六年侍郎路允迪奉使高麗求庇於王若行平陸奏加封忠嘉建炎四年高宗航海王陰護之風濤不作帝乃御書加封廣靈嘉定四年參知政事樓鑰奏勅封王父母妻及子女端平三年太傅越國公鄭清之奏改威烈爲神聖復以尚書袁甫之請詔加封其父母嘉熙元年沿海制置使趙善湘奏加封忠嘉神聖威烈惠濟廣靈王元武宗至大三年六月詔重建祠宇順帝至正二十年海道漕軍萬戶倪可久奏王扶護糧艘風波不興竟抵直沽以濟用請加封忠嘉神聖惠濟廣靈英烈王王之祖廟下有龍湫舊名曰三聖井旱禱之有蛇見卽大雨民有疾疫灾咎祈之卽應郡人因稱其廟爲府主別廟八一舊在縣東南三十里地名青山爲神尸解之所唐天祐間建今呼爲青山大廟一在縣西十六里新橋右宋景定二年建名三成使相吳潛爲之記一在縣東三里大河橋名府主行祠一在縣東三十五里名小梅廟一在縣東二十五里名三聖廟一距鹿山五里名擇木廟一在回

江礮傍乃王射龍之所名樟木廟一在縣東四
十里名寶幢大七廟其餘在各縣者不能盡載

天后宮

府東二里東渡門外宋紹熙二年建元祐元
年封護國庇民廣濟明著天妃至正末毀明洪

武三年中山侯湯和重建天順五年知府陸阜修葺
及創寢宇明季頽廢國朝康熙二十三年後海禁

既弛閩粵商賈輻輳其地海中屢著靈異捐
資修建金碧輝煌爲城東距觀雍正五年

勅號天后

火神廟

府治城北隅佑聖觀內國朝雍正七年寧紹
台道孫詒因郡城火災疊見捐俸創始提督陳

天培知府曹秉仁鄞令楊懿各捐俸資令首事水
生驥等購買圓津菴廢地二畝建造大殿亭臺

賀公祠

在府治西南月湖中唐賀知章改宅宋紹興十
四年守莫將建逸老堂以祀知章李太白見古蹟

志寶慶間守胡渠更新之改名隱德堂繪黃公像合
祠其中開慶元年制置吳潛重建自爲之記元至元